

Inuussutissarsiummik Ingerlataqartunik Nalunaarsuiffik pillugu Inatsisartut inatsisaata allangortinneqarneranik Inatsisartut inatsisissaattut siunnersuut

Saqqummiussissut

Siullermeenera

Inuussutissarsiummik ingerlataqartunik Nalunaarsuiffik pillugu Inatsisartut inatsisaata allangortinneqarneranik inatsisartut inatsisissaattut siunnersuut Naalackersuisut matumuuna saqqummiuppaat.

Siunnersuut Namminersornerullutik Oqartussat inunnik, suliffeqarfinnik il.il. inuussutissarsiummik ingerlataqartunik nalunaarsuinerisa allangortitsivigineqarneranut atatillugu Inuussutissarsiummik Ingerlataqartunik Nalunaarsuiffiup allaffissornermi nalunaarsuiffittut Naatsorsueqqissaartarfimmiit Naalackersuisut Allattoqarfiannut nuunneqarnissaa pissusissamisoortutut isigineqarsinnaavoq. Nalunaarsuiffiup aqunneqarnera naalackersuisoqarfimmut aqutsisuusumut isumagisassangortinneqassaaq.

Allangortitsinikkut siunertarinearpoq paasissutissanik ullumikkut Namminersornerullutik Oqartussat iluanni arlalinni nalunaarsorneqartartunik pitsaanerusumik iluaquteqarsinnaanerup aqutissiuunneqarnissaa peqatigitillugulu innuttaasunik suliffeqarfinnillu pisariinnerusumik nalunaarsuisinnaalernissaaq.

Inuussutissarsiummik Ingerlataqartunik Nalunaarsuiffiup Naatsorsueqqissaartarfimmiit Naalackersuisut Allattoqarfiannut nuunneqarnissaani inatsisip allangortinneqarnissaa aammalu nalunaarsuinnermut malittarisassanik allangortitsinissaaq piumasaqaataapput.

Nalunaarsuiffiup nuunneqarnerani maannamut nalunaarsuiffiup allaffissorneranut, ingerlatsineranut malinnaasitsineranullu aningaasaliissutaasartut Naatsorsueqqissaartarfimmiit naalackersuisoqarfimmut susassaartumut nuunneqarnissaat tunngavissaatitaavoq.

Naatsorsueqqissaartarfimmiit naalackersuisoqarfimmut susassaartumut nuussinermut atatillugu sulisut ullumikkut Naatsorsueqqissaartarfiup nalunaarsuiffiani sulisuusut nooqataanissaat tunngavissaatitaavoq.

Taamaattumik siunnersuut amerlanerusunik aningaasaliisariaqalernissamik imaluunniit amerlanerusunik sulisoqalertariaqarnermik

nassataqassangatinneqanngilaq, tassa qulaani taaneqareersutut suliassamik
nuussinermut atatillugu Namminersornerullutik Oqartussat Qitiusumik
Aqutsisoqarfiata iluani nuussinikkut tamanna naammassineqassammat.

Siunnersuut Namminersornerullutik Oqartussat qarasaasialeriffiannut,
Naatsorsueqqissaartarfimmut, Naalakkersuisut Allattoqarfiannut, Nunami
Namminermi Pissutsinut Allaffimmut aamma Aningaasaqarnermut Pisortaqarfimmut
tusarniaassutigineqarsimavoq. Tusarniaanermut akissuteqaatit pisariaqarnerat
malillugu inatsisissatut siunnersuummi ilanngunneqarsimapput.

Taamatut oqaaseqarlutik siunnersuutip Inatsisartut oqaluuseralugulu akuerissagaat
Naalakkersuisunit inassutigineqarpoq.